

ELKARTEAREN ESTATUTUAK

LEHENENGO KAPITULUA

IZENA

1. artikulua.- Irabazi-asmorik gabeko Euskadiko Emaginen Elkarte - EEE / Asociación de Matronas de Euskadi - AME izeneko elkarte eratu da; Euskal Herriaren Autonomia Estatutuaren 9. eta 10.13 artikuluetan oinarri izanik, Eusko Legebiltzarrak onartutako Euskadiko Elkarteei buruzko ekainaren 22ko 7/2007 Legea, eta, Elkartzeko Eskubidea arautzen duen martxoaren 22ko 1/2002 Lege Organikoarekin bat etorrira.

Elkarreak honako araubidea izango du: aipatutako elkarteei buruzko legeak; Estatutu hauek (legearen aurkakoak ez badira); gobernu-organismoek behar bezala hartutako erabakiak (legearen edota Estatutuen aurkakoak ez badira); eta, Eusko Jaurlaritzak onesten dituen erregelamenduzko xedapenak (azken horiek osagarriak besterik ez dira izango).

ELKARTEAREN HELBURUAK

2. artikulua.- Elkarte honen helburuak honako hauek dira:

- 1.- Ikerketa eta lan zientifikoaren zabalkundea sustatzea.
- 2.- Etengabeko formaziorako jarduerak sustatu eta antolatzea.
- 3.- Emakumeen eta gazteen sexu- eta ugalketa-osasunaren kalitatezko zaintza sustatzea eta jaioberrien osasuna arretaz zaintzea.
- 4.- Gizartean bizi ohitura osasuntsuak sustatu eta zabaltzea, droga mendekotasunaren, gizarte-bazterketaren, inmigrazioaren, generoaren eta familia barneko indarkeriaren ondoriozko arazoei bereziki erreparatuz.
- 5.- Emaginen formazioaren ardura duten erakundeekin parte hartzea arlo akademikoari dagozkion guztietan hala nola ikasketa-planen erreforman eta aurre graduko eta gradu ondoko irakaskuntzan.
- 6.- Administrazioarekin eta erakundeekin -erkidegoko zein estatukoekin- lankidetzan jardutea osasun politikak erabaki, garatu eta hornitzeko orduan eta emaginen lanbideari dagokion legegintzan.
- 7.- Garapen bidean dauden herrialdeen Garapenerako Lankidetzaren programak sustatu eta haietan parte hartzea.
- 8.- Gainerako elkarte eta batzordeekin -nazioko zein atzerrikoekin- harremanak izatea eta guztien artean etengabe trukatzeko aurreko helburuei erantzuten dien ekarpen tekniko, zientifiko eta kulturalak.
- 9.- Elkartearen interesak ordezkatu eta defendatzea, ideologia politiko guztien gainetik, nazioko eta nazioarteko instituzio eta erakundeen aurrean.

Helburu horiek lortzeko, ezarritako legezko betekizunak bete ondoren, jarduerak hauek egingo dira:

- Berariazko ikastaroak eta tailerrak antolatu emaginen etengabeko formazioa eta ikerketa sustatzeko.
- Ikastaroak, tailerrak eta argitalpenak antolatu emakumeentzat, gazteentzat eta estatutuaren begiztatzen diren bestelako taldeentzat.
- Baztertutako gizataldeekin elkarlanean aritzeko egitasmoak gidatu edota haietan parte hartu.
- Garapen bidean diren herrialdeekin elkarlanean aritzeko egitasmoak gidatu edota haietan parte hartu.
- Emaginen gorabehera akademikoari dagozkien lantalde, batzorde eta abarretan parte hartu.
- Emaginei dagozkien osasun-politikaz diharduten lantalde, batzorde eta abarretan parte hartu.
- AME/EEEk bere helburuak lortzeko egoki deritzon beste edozein jarduerak.

Aurreko idatz-zatian azaldutako jarduerak gorabehera, elkarteak, bere xedeak betetzeko, honako hauek egin ahalko ditu:

- Helburuak betetzeko edo horretarako baliabideak biltzeko era guztietako jarduera ekonomikoak gauzatu.
- Era guztietako ondasunak edozein tituluren bidez eskuratu eta eduki, eta mota guztietako egintzak eta kontratuak egin.
- Nolanahiko ekintzak burutu, betiere legeekin eta Estatutuekin bat etortzekotan.

ELKARTEAREN EGOITZA

3. artikulua.- Elkarte honen egoitza helbide honetan egongo da: Gipuzkoan, Sekundino Esnaola zk.: 5 Herria Zumárraga
Elkarteak beste lokal batzuk ere eduki ditzake Autonomia Erkidegoan, Batzar Orokorrek hala erabakitzen badu.

LURRALDE-EREMUA

4. artikulua.- Elkarte honek nagusiki lurralde-eremu honetan gauzatuko ditu bere zereginak: Euskal Autonomia Erkidegoan.

IRAUPENA ETA DEMOKRAZIA-ARAU

5. artikulua.- Elkarte iraunkorra izateko eratu da, eta IV. kapituluan esaten den bezala ezohiko batzar orokorrean hartutako erabaki bidez baino ezingo da desegin, edo legeetan aurreikusitako arrazoiren batengatik.

Elkartearen funtzionamendua eta barne-antolamendua demokratikoa izango da, eta pluraltasuna erabat errespetatuko da. Erabat deusezak izango dira elkartzeko oinarrizko eskubidearen alderdietako edozein betetzen ez duten itunak, estatutu-xedapenak eta erabakiak.

BIGARREN KAPITULUA

AGINTE ETA ADMINISTRAZIO ORGANOAK

6. artikulua.- Elkartearen agintea eta administrazioa kide anitzeko organo hauen esku egongo da:

- Bazkideen Batzar Orokorra izango da organo gorena.
- Zuzendaritza Batzordea izango da kide anitzeko zuzendaritza-organoa iraunkorra.

BATZAR OROKORRA

7. artikulua.- Batzar Orokorra bazkide guztiek osatzen dute, eta organo honen bidez adierazten dira bazkideen nahiak.

Batzar Orokorraren ahalmenak:

- a) Elkartearen jarduera-plan orokorra onartzea.
- b) Urteko kontuak eta hurrengo ekitaldiko aurrekontua aztertu eta onartzea.
- c) Zuzendaritza Batzordearen kudeaketa onartzea.
- d) Estatutuak aldatzea.
- e) Elkarte desegitea.
- f) Lehendakaria, idazkaria, diruzaina eta kide anitzeko aginte-organoko gainontzeko kideak, baldin badaude, izendatzea eta kargutik kentzea.
- g) Beste elkarte batzuekin batera federazioak eta konfederazioak osatzea, edota horietatik ateratzea.
- h) Ondasun higiezinak erabili edo besterentzeko erabakiak hartzea.
- i) Aginte-organoko kideei ordaindu egin behar zaiela erabakitzea.
- j) Kuota arruntak eta bereziak ezartzea. Ahalmen hau, hala ere, Batzar Orokorrek aginte-organuari eskuordetu diezaioke horretarako bereziki hartutako erabakiaren bidez.
- k) Bazkideak behin betiko kanporatzeko erabakia hartzea.
- l) Beste organo sozialen bati esleitu gabeko beste edozein eskumen.

8. artikulua.- Batzar Orokorra ohiko bilkurak eta bilkura bereziak egingo ditu.
9. artikulua.- Batzar Orokorra gutxienez urtean behin egin beharko du ohiko bilkura: lehen lau hilabetekoan izango da, 7. artikuluko a), b) eta c) idatz-zatietan zehaztutako erabakiak hartze aldera.
10. artikulua.- Batzar Orokorra Zuzendaritza Batzordeak erabakitzen duenean bilduko da bilkura berezian, bere ekimenez edota bazkideen %25ak eskatu duelako. Bilkura eskatzeko arrazoiak eta helburuak azaldu beharko dira baina, nolahi ere, honako gaiak aztertzeko eta erabakitzeko, bilkura berezia egingo da:
- a) Estatutuak aldatzeko.
b) Elkartea desegiteko.
11. artikulua.- Batzar Orokorra biltzeko deialdiak idatziz egin behar dira, eta bilkurak egingo diren tokia, eguna eta ordua adierazi beharko dira, bai eta gai-zerrenda ere, eztabaidatuko diren gaien aipamen zehatzarekin. Deialdia egiten denetik gutxienez hamabost egun pasatu beharko dira bilkura lehen deialdian egiteko. Hala badagokio, bigarren deialdiaren data eta ordua ere adieraz daitezke. Dena dela, deialdi batetik bestera gutxienez ordu erdiko tarte utzi beharko da.
- Batzar orokorrak, arruntak nahiz bereziak, lehenengo deialdian balio osoz eratuta geratuko dira botoa emateko eskubidea duten elkartekideen herena bertaratzen bada; eta bigarren deialdian, botoa emateko eskubidea duten elkartekideen kopurua edozein dela ere.
12. artikulua.- Batzar Orokorren erabakiak gehiengo soilez hartuko dira, hau da, bertaratuen nahiz ordezkatuena baiezko botoak ezezkoak baino gehiago direnean. Alabaina, bertaratuen edo ordezkatuena gehiengo kualifikatua beharko da (baiezko botoak baliozko botoen erdia baino gehiago izatea, alegia) erabaki hauek hartzeko :
- a) Elkartea desegitea.
b) Estatutuak aldatzea.
c) Ondasunak erabili edo besterentzea.
d) Ordezkaritza-organoko kideei ordaintzea.
- Edozein bazkidek aukera izango du Batzar Orokor Arrunteko gai zerrendan eztabaida gaiak sartzeko, baldin eta idatziz jakinarazten badio Elkarteko idazkariari 7 egun aurretik.
13. artikulua.- Bazkideek beste edozein bazkideren esku utzi dezakete batzar orokorretara joateko ordezkaritza. Ordezkaritza hori idatziz eskuordetu beharko da, eta Batzarreko idazkariari eman bilera baino gutxienez ordu bate lehenago. Elkartearen egoitza dagoen herritik kanpo bizi diren bazkideek ordezkaritza beste norbaiten esku uzteko agiria postaz bidali dezakete. Bazkide batek ezingo du, bereaz gain, beste bi ordezkaritza baino gehiagorena erakutsi.

ZUZENDARITZA BATZORDEA

14. artikulua.- Zuzendaritza Batzordea da Batzar Orokorren xedapen eta zuzentzauei jarraikiz elkartearen interesak kudeatu eta ordezkatzeko dituen organoa. Elkartekideek baino ezingo dute osatu ordezkaritza-organoa.
- Zuzendaritza Batzordea osatuko dutenak nahitaezkoak izango dira Lehendakaria, Idazkaria, Diruzaina, Bokal bat gutxienez eta sei gehienez, eta aukerakoak Lehendakariorde bat.
- Gutxienez urtean hiru aldiz bildu beharko dute, eta elkartearen jarduerak bideratzeko beharrezkoa den guztietan.
15. artikulua.- Zuzendaritza Batzordeko kideren bat bilera horietara 3 aldiz jarraian, edo, tarteka 5 aldiz agertzen ez bada, dagokion kargua utzi egin beharko du, hutsegite horiek ez baditu arrazoitzen.
16. artikulua.- Batzar Orokorra hautatuko ditu Zuzendaritza Batzordeko kargudunak. Kargu horiek 4 urterako izendatuko dira Batzordeak berriaz baliogabetu ezean. Kargudun berbera behin eta berriro hautatu ahal izango da.
17. artikulua.- Zuzendaritza Batzordeko kide izateko, ezinbestean baldintza hauek bete beharko dira:

- a) Adin nagusikoa izatea, eskubide zibil guztien jabe izatea, eta indarrean dauden legeetan bildutako bateraezintasun-arrazoirik ez izatea.
 b) Estatutuetan aurreikusitako moduan izendatua izatea.
 c) Elkarteko bazkidea izatea.
18. artikulua.- Zuzendaritza Batzordeko kide izateko, lehendabizi, Batzorde Nagusiak izangaia hautatu behar du eta, gero, izendatu horrek kargua onartu behar du.
- Kargu betetzeak ez dakar berekin inolako diru-saririk eskatzeko eskubiderik, baina Zuzendaritza Batzordeko kideen dieta eta gastuak ordaintzea erabaki dezake Batzar Orokorrak.
19. artikulua.- Zuzendaritza Batzordeko kideek kasu hauetan utziko dituzte karguak:
- a) Agintealdia bukatzen denean.
 b) Dimititzen baldin badute.
 c) Bazkide izateari uzten diotenean, edo kargua betetzeko ezintasun-arrazoiak dituztenean.
 d) Estatutu hauetako 16. artikuluaaren arabera, Batzar Orokorrak kargua baliogabetzea erabakitzen duenean.
 e) Hiltzen baldin badira.
- “a)” idatz-zatian agertzen dena baldin bada kargua uzteko arrazoa, Zuzendaritza Batzordeko kideek jardunean jarraituko dute lehenengo batzar orokorra egin arte. Batzar horretan aukeratuko dira kargudun berriak.
- b), c), d) eta e) idatz-zatietan agertzen dena baldin bada arrazoa, hutsik gelditutako kargua betetzeko norbait behin-behingo izendatuko du Zuzendaritza Batzordeak, eta Batzar Orokorrak erabakiko du izendapena onetsi ala ez. Ezetsi egiten badu, behar diren kargu izendapenak egingo ditu.
- Organo honen osieran egiten diren aldaketa guztien berri emango zaio Elkarteen Erregistroari.
20. artikulua.- Honako hauek dira Zuzendaritza Batzordearen zereginak:
- a) Elkarteen eguneroko kudeaketaz arduratzea, Batzar Orokorraren jarraibideekin bat etorri eta haren kontrolpean.
 b) Elkarreak aurrera eramango dituen ekintzen egitaraua egitea.
 c) Gastu eta sarreraren arteko aurrekontua eta aurreko urteko kontuen egoera-orria Batzar Orokorrari aurkeztea, hark onar ditzan.
 d) Batzar Orokorraren bileretako gai-zerrendak egitea, eta ohiko nahiz ezohiko batzar orokorretarako deialdiak egitea erabakitzea.
 e) Bazkideek egiten dituzten proposamen eta iradokizunei erantzutea eta horien inguruan hartu beharreko neurriak hartzea.
 f) Estatutu hauetako aginduak interpretatzea eta Estatutuaren hutsuneak betetzea, betiere elkarteen inguruan indarrean dauden legeekin bat etorri.
 g) Batzar Orokorrak berriazko erabakien bidez ematen dizkion eskumenak erabiltzea, betiere ez badira haren eskumen eskusibokoak.
 h) Beharrezko diren eskumenak ematea.
 i) Elkarteen helburuak eraginkortasunez lortzearen, behar diren batzorde eta lantaldeak eratzea eta, halaber, talde horiek burutu beharreko jarduerak baimentzea. Talde horiek, egiten duten lanari buruzko txosten zehatzak aurkeztu beharko dituzte.
 j) Elkarteen ordezkari izatea, hirugarrenen aurrean.
21. artikulua.- Zuzendaritza Batzordearen bilkurak lehendakariak erabaki edo batzordekide batek eskatzen duen bakoitzean egingo dira. Bilkurako buru lehendakaria izango da, ez balego, lehendakariordea; eta horien faltan, batzordekide zaharrena.
- Batzordeak hartutako erabakiak baliozkoak izateko, biltzen diren batzordekideen gehiengoak aldeko botoa eman behar du. Horretarako, gutxienez batzordekideen kopuruaren erdiak egon beharko du bilkuran. Berdinketarik egonez gero, lehendakariaren kalitateko botoa izango da erabakiko duena.
- Idazkariak bilera-aktak egingo ditu eta akta horiek gero dagokion liburuan transkribatuko dira.
- Zuzendaritza Batzordearen gogoetak isilpekoak dira, ez hala haren ondorioak.

KIDE BAKARREKO ORGANOAK

LEHENDAKARIA

22. artikulua.- Lehendakariak beregain hartuko du elkartearen legezko ordezkariak, eta Zuzendaritza Batzordeak eta Batzar Orokorrak hartutako erabakiak gauzatuko ditu. Era berean, aipaturiko bi organo horietako lehendakaria izango da.
23. artikulua.- Lehendakariak honako hauek denak egiteko ahalmena izango du:
- Zuzendaritza Batzordearen eta Batzar Orokorraren bilera-deiak egin, bilerak bukatutzat eman, bileretan sortzen diren eztabaidak bideratu, eta botoberdinketa gertatuz gero kalitate-botoarekin erabakitzea.
 - Elkartearen ekintzen egitasmoa Zuzendaritza Batzordeari proposatzea eta elkartearen zereginak bultzatu eta bideratzea.
 - Baliozki erabakitako ordainketak egiteko agintzea.
 - Sortzen diren premiazko arazoak konpontzea, eta egiten den lehenengo bilkuran Zuzendaritza Batzordeari horren berri ematea.
 - Batzar Orokorrak berariazko erabaki bidez ematen dizkion eskumenak erabiltzea, betiere ez badira haren eskumen eskusibokoak.
 - Elkartearen Idazkariak egindako aktak eta ziurtagiriak balioztatu eta sinatu.

LEHENDAKARIORDEA

24. artikulua.- Lehendakariordeak lehendakariari lagunduko dio, eta lehendakariak aldi batean bere kargua bete ezin badu, lehendakariordeak ordezkatuko du. Era berean, lehendakariak berariaz eskuordetzen dizkion ahalmen guztiak izango ditu.

IDAZKARIA

25. artikulua.- Idazkariari dagokio, zehazki, elkartearen sartzeko eskabideak jaso eta izapidetzea, fitxategia eta Bazkideen Erregistro Liburua zaintzea, eta Akta Liburuaren zaintzaren eta idazketaren ardura izatea.
- Era berean, elkartearen arloan indarrean dauden legezko xedapenak betetzeaz arduratuko da, erakundearen agiri ofizialak zainduz, elkarteko liburuaren eta artxiboaren edukia egiaztatuz eta Zuzendaritza Batzordeko izendapenen eta egoitza sozialaren aldaketan berri emateko egin beharreko jakinerazpenak eginez agintari eskudunari.

DIRUZAINA

26. artikulua.- Egindako diru-sarrerak eta ordainketen berri emango du diruzainak, eta diru-sarrera eta gastuen urteko aurrekontua eta aurreko urteko kontuen egoera ere jakinaraziko du. Horiek guztiak Zuzendaritza Batzordeari aurkeztu behar dizkio, eta horrek Batzar Orokorrari, hark onartu ditzan.

BOKALAK

27. artikulua.- Bokalek, lurralde bakoitzaren ordezkari izanik, dagokien lurraldeko gorabeheren ardura izango dute eta ondorengo eginkizunak izango dituzte:
- Elkartearen ordezkari izan bere sektorean, Zuzendaritza Batzordeak esleitzen dizkion kasu bereziak bideratuz.
 - Dagokion lurraldeko egoeraren berri eman Zuzendaritza Batzordeari.
 - Bere lurraldeko bazkideen artean egoki iruditzen zaizkion iritzi bilketak egin, Zuzendaritza Batzordea jakinaren gainean delarik.
 - Zuzendaritza Batzordeak lurraldeko bazkideen esku utzitako informazioa bideratu.
 - Zuzendaritza Batzordeak edo Batzar Orokorrak berariaz emandako beste edozein eginkizun.
 - Ezintasun edo gaixotasunagatik, Idazkaria aldi baterako ordezkatu du Lehendakariak hautatutako bokalekako batek.

HIRUGARREN KAPITULUA

BAZKIDEAK: ONARTUAK IZATEKO BALDINTZA ETA PROZEDURAK, ETA BAZKIDE-MOTAK

28. artikulua.- Elkartekide izan nahi eta baldintza hauek betetzen dituzten pertsona guztiak izan daitezke elkarteko bazkide:
- Adin nagusikoa edo adingabe emantzipatua izatea, norberaren eskubideak erabiltzeko inolako lege-baldintzaren menpe ez egotea eta ebazpen judicial irmoaren bidez eskubideen erabilera mugatuta ez edukitzea.
 - Dagokion tituluaren jabe izatea: Emagin titulu edo Obstetria-Ginekologia Erizaintzako Espezialistaren Diploma, Hezkuntza eta Zientzia Ministeritzak emana, edo eskumena duen atzerriko aginteren batek emana eta homologatua indarrean dauden Espainiako legeen arau eta bideen arabera.
29. artikulua.- Elkartean sartu nahi duenak idatziz aurkeztu beharko dio lehendakariari bere eskabidea, bi bazkideren sinadurarekin. Lehendakariak eskaeraren berri emango dio Zuzendaritza Batzordeari, eta horrek erabakiko du eskabidea egin duena elkartean onartu ala ez. Erabakiaren aurkako gorako errekurtsoa jar dakioko Batzar Orokorrari.

BAZKIDEEN ESKUBIDEAK ETA BETEBEHARRAK

30. artikulua.- Elkarteko bazkide guztiek honako hauek denak egiteko eskubidea dute:
- 1) Elkarreei buruzko Legearen edo Estatutuen kontrako erabaki eta jardunak inpugnatzea, inpugnatutako erabakiaren edukia ezagutu duten edo ezagutzeko aukera izan duten egunetik egutegiko 40 eguneko epean.
 - 2) Elkarteko gobernu- eta ordezkaritza-organoen osara, elkartearen kontu-egoera eta elkartearen jardueri buruzko informazioa jasotzea.
 - 3) Elkarteko beste bazkideen nortasuna, diru-sarreraren eta gastuen egoera, eta elkartearen ekintzen garapenaren berri edozein unetan izatea, datu pertsonalak babesteko arautegian aurreikusitako moduan.
 - 4) Batzar orokorretarako deiak jasotzea, batzar orokorretara joan eta hitz egin eta botoa emateko eskubidea erabiltzea, eta eskubide hori beste bazkideren baten esku utzi ahal izatea.
 - 5) Elkartearen Estatutu hauen arabera, elkarteko zuzendaritza-organismoetan parte hartzea eta organo horietarako hautatzaile nahiz hautagai izatea.
 - 6) Indarrean dauden legeetan zehaztutako bazkideen fitxategian agertzea, eta elkartearen ikurra, baldin badu behintzat, erabiltzea.
 - 7) Estatutuen eta, egonez gero, barne-araudiaren ale bana edukitzea, eta zuzendaritza-organoei eskakizunak eta kexak aurkezteak.
 - 8) Elkartearen talde-ekintza sozialetan parte hartzea, eta bazkideentzako tresnak erabiltzea (elkartearen egoitza, liburutegiak, eta abar).
 - 9) Bazkideari diziplinazko neurriak ezarri aurretik, bazkideak idatziz adierazitakoa kontuan hartzea eta neurri horiek hartzea eragin duten arrazoiei buruzko azalpenak jasotzea. Neurriak hartzeko arrazoiak bazkideei dagozkien betebeharrak ez betetzean soilik oinarritu daitezke.
 - 10) Zuzendaritza Batzordeak edota Elkarteko bazkideek sortu eta eraturitako lan taldeetan parte hartzea. Talde horiek Zuzendaritza Batzordearen onarpena beharko dute.
 - 11) Edozein unetan baja ematea. Hala ere, hartu bai baina bete gabe dituzten konpromezuak bete beharko dituzte.
31. artikulua.- Bazkideen betebeharrak hauek dira:
- a) Elkartearen helburuekin bat etortzea eta helburu horiek betetzen laguntzea.
 - b) Kuotak, derramak eta Estatutuen arabera bazkide bakoitzari dagozkien bestelako ekarpenak ordaintzea.
 - c) Estatutuetatik eratorritako bestelako betebeharrak betetzea.
 - d) Elkarteko zuzendaritza-organoei baliozki hartutako erabakiei men egin eta erabaki horiek betetzea. Lan talde horietako arduradunek bere lanaren berri eman beharko dute Zuzendaritza Batzordeak hala eskatuta.

BAZKIDE IZATEARI UZTEA

32. artikulua.- Bazkide izateari uzteko arrazoiak honakoak izango dira:
1. Hil egitea.
 2. Bazkidea bere borondatez joatea.
 3. Zuzendaritza Batzordeak elkartetik bidaltzeko zigorra ezartzea, arrazoi honengatik: Estatutuotatik eratorritako betebeharrak eta Batzar Orokorrak edo Zuzendaritza Batzordeak baliozki hartutako erabakietan ezarritako betebeharrak nahita eta larriki behin eta berriz hausteagatik.

ZIGOR-ARAUAK

33. artikulua.- Bazkideek behin eta berriz hausten badituzte Estatutuak edo Batzar Orokorrak nahiz Zuzendaritza Batzordeak hartutako erabakiak, Zuzendaritza Batzordeak bazkide horiek zigortu ahal izango ditu.
- 15 egunetik hilabetea bitarte eskubideak kentzetik elkartetik betiko kanporatzea izan daiteke zigorra, ondorengo artikuluek adierazitako moduan.
- Horretarako, zigorgarriak izan daitezkeen jokabideak aztertzeko ikerketa egin dadila erabaki dezake lehendakariak. Ikerketaren instrukziogilea idazkaria izango da, eta berak proposatuko dizkio Zuzendaritza Batzordeari hartu beharreko neurriak.
- Zigorra ezartzeko ahalmena Zuzendaritza Batzordeak izango du, idazkariak ez du horretan parte-hartzerik izango (instrukziogilea delako), eta zigorra ezarri aurretik interesdunari entzunaldia eskainiko zaio. Zigortzeko erabakia arrazoitu egin beharko da beti, eta erabaki horren aurkako errekurtsioa jarri ahalko zaio Batzar Orokorrari.
34. artikulua.- Bazkideren batek elkartetik kanporatua izateko moduko ustezko egintzaren bat egiten badu, hau da, Estatutuotatik eratorritako betebeharrak eta Batzar Orokorrak edo Zuzendaritza Batzordeak baliozki hartutako erabakietan ezarritako betebeharrak nahita eta larriki behin eta berriz hausten baditu, gertaeren berri izatearren, lehendakariak idazkariari agindu diezaioke aurretiazko eginbide zehatz batzuk egin ditzala, behar den informazioa jasotzeko. Eginbide horiek ikusita, lehendakariak jarduerak artxibatzeke agintzea edo elkartetik kanporatzeko zigor-espeditentari hasiera ematea erabaki dezake.
35. artikulua.- Elkartetik kanporatzeko zigor-espeditentea hasten bada, idazkariak, gertakariak egiaztatu ondoren, idatzi bat bidaliko dio interesdunari, leporatzen zaizkion karguen berri emateko. Kargu horiei erantzuteko, interesdunak bere aldeko arrazoiak azaldu ahal izango ditu hamabost eguneko epean. Epe hori amaituta, edonola ere, Zuzendaritza Batzordearen lehenengo bilkurako gai-zerrendan sartuko da kasua, eta Batzordeak hartuko du erabakia. Erabakian ez du parte hartuko espeditenteko instrukziogilea izan den idazkariak.
- Elkartetik kanporatzeko erabakia interesdunari jakinaraziko zaio eta, era berean, hurrengo ezohiko batzar orokorrean errekurtsioa aurkez dezakeela azalduko zaio. Hiru hilabeteren barruan batzar horretarako deirik egiten ez bada, errekurtsioa ebazteko batzarrerako deia egin beharko da. Bitartean, Zuzendaritza Batzordeak inputatuari bazkide-eskubideak etetea erabaki ahal izango du, eta Zuzendaritza Batzordeko kide bada, kargu hori utzarazi beharko dio.
- Batzar Orokorrari kanporatzeko espeditentea aurkeztuz gero, idazkariak espeditentearen laburpena egingo du, Zuzendaritza Batzordeak interesdunak aurkeztutako idatziaren eta egintzen berri zehatza Batzar Orokorrari eman ahal izateko, azken horrek dagokion erabakia har dezan.
36. artikulua.- Kanporatzeko erabakia arrazoitu egin behar da beti, eta erabaki hori interesdunari jakinarazi behar zaio. Interesdunak, eskubideaz baliatuz, auzitegietara jo ahal izango du bere ustez erabakia legearen edo Estatutuen aurkakoa bada.
37. artikulua.- Bazkideren bati kanporaketaren berri ematerakoan —berak nahi izanda edo zigorra ezarri zaiolako— bete gabe dituen betebeharrak bete ditzala eskatuko zaio.

LAUGARREN KAPITULUA

SORTZE-ONDAREA ETA AURREKONTU-ARAUAK

38. artikulua.- Euskadiko Emaginen Elkarteak - EEE ez dauka sorrera-ondasunik.
39. artikulua.- Elkarteak, bere jarduerak aurrera eramateko, diru-baliabide hauek aurreikusten ditu:
- Sarrera-kuotak.
 - Erabakitzen diren aldizkako kuotak.
 - Elkartearen ondasun eta eskubideetatik datozen emaitzak, eta legez jasotzen dituen diru-laguntzak, legatuak eta dohaintzak.
 - Zuzendaritza Batzordeak Estatutuen helburuak lortzeko egin beharrekotzat jotzen dituen jarduera zilegietatik datozen diru-sarrerak.

Elkarte- eta ekonomia-ekitaldia urtekoa izango da, eta ekitaldia urte bakoitzeko Abenduaren 31n itxiko da.

Elkarteak, jarduera ekonomikoak (zerbitzuak ematea barne) gauzatuz lortzen dituen irabaziak bere helburuak betetzeko baino ez dira erabili beharko. Inola ere ezingo dira elkartekideen artean banatu, ez eta haien ezkontideen edota haiekin antzeko afektibitate-harremanean bizi diren pertsonen artean eta haien senideen artean ere. Ezingo zaizkie, halaber, irabazteko asmoa duten pertsona juridiko edo fisikoei doan laga.

Baja, heriotza, edo beste edozer dela ere, ez da itzuliko behin ordaindutako kuotarik.

Kreditu edo Aurrezki erakundeetako libreta edo kontu korronteetan beharrezkoak izango dira Lehendakariaren, Diruzainaren eta Zuzendaritza Batzordeko beste kide baten sinadurak. Elkartearen fondoak erabiltzeko, bi sinadura beharko dira, eta horietako bat Diruzainarena edo Lehendakariarena.

BOSGARREN KAPITULUA

ESTATUTUAK ALDATZEA

40. artikulua.- Estatutuak aldatzea propio horretarako deitutako bazkideen ez ohiko batzar orokorrean erabaki behar da, berariazko ekimenez, edo bazkideen arteko bi herenek eskatuta. Zuzendaritza Batzordeak hiru bazkidek osatutako batzordetxostengile bat izendatuko du, aldaketa-egitasmoa idazteko. Egitasmo hori Zuzendaritza Batzordeak ezarritako jarraibideen arabera egingo da, eta Batzorde berak jarriko du egitasmoa amaitzeko epea.
41. artikulua.- Aldaketa-egitasmoa epe barruan idatzi eta gero, lehendakariak Zuzendaritza Batzordearen hurrengo bilkurako gai-zerrendan sartuko du. Zuzendaritza Batzordeak egitasmoa onartuko du edo, bestela, lantaldeari itzuliko dio, berriz aztertu dezan.
- Egitasmoa onartuz gero, Zuzendaritza Batzordeak hurrengo batzar orokorreko gai-zerrendan sartzea erabakiko du edo, bestela, horretarako propio batzar orokor baterako deia egitea.
42. artikulua.- Batzarrerako deiarekin batera, Estatutuetakoa aldatzeko testua bidaliko da, bazkideek egoki iruditzen zaizkien zuzenketak Idazkaritzan aurkeztu ahal izateko. Zuzenketa horiek Batzar Orokorrari helaraziko zaizkio, batzarra egin baino zortzi egun lehenago jaso badira Idazkaritzan.

Zuzenketak banaka nahiz taldeka egin daitezke, idatziz, eta aukerako beste testu bat izan beharko dute. Zuzenketak bozkatu ostean, Batzar Orokorrak Estatutuak aldatzeko erabakia hartuko du, eta Elkarteen Erregistro Orokorrean inskribatzen denetik aurrera baino ez du eragina izango hirugarrenengan.

SEIGARREN KAPITULUA

ELKARTEA DESEGITEA ETA ELKARTE-ONDAREAREN ZERTARAKOA

43. artikulua.- Elkarte arrazoi hauengatik desegino da:
1. Bazkideek hala nahi dutelako. Nahi hori horretarako bildutako ezohiko batzar orokorrean azaldu beharko da.
 2. Estatutuetan finkatutako epea edo baldintza bete delako.
 3. Beste elkarteren batek xurgatu duelako edo beste elkarte batzuekin bat egin duelako.
 4. Legez ezarritako gutxieneko bazkide-kopururik ez duelako.
 5. Epai irmo batek elkarte desegitea agintzen duelako.
 6. Elkartearen helburuak betetzea ezinezkoa delako.
44. artikulua.- Elkarte deseginez gero, erabakia hartu duen ezohiko Batzar Orokorrak Kitapen Batzordea izendatuko du. Batzorde hori Zuzendaritza Batzordeko lau kidek osatuko dute eta dagoen diruaz arduratuko da.
- Bazkideekiko eta besteekiko elkarte-betebeharrak bete ondoren, geratzen den elkarte-ondarea, geratzen bada behintzat, irabazi-asmorik gabeko elkarte bati edo irabazi-asmorik gabeko ekimenei bati eman beharko zaio.

XEDAPEN IRAGANKORRA

Eraketa-aktan behin-behingo izendatuak agertzen diren Zuzendaritza Batzordeko kideek egiten den lehenengo batzar orokorraren esanetara jarri beharko dute beren izendapena.

AZKEN XEDAPENAK

LEHENA.- Estatutu hauek garatzeko asmoz, Batzar Orokorrak barne-araudia onartu ahal izango du, baina horrek inolaz ere ez ditu Estatutuetakoa aginduak aldatuko.

BIGARRENA.- Zuzendaritza Batzordeari dagokio Estatutu hauetako betebeharren gaineko interpretazioa egitea eta haien hutsuneak betetzea, Elkartearen jardura arautzen duten lege-arauden barnean, eta horien berri hurrengo Batzar Orokorrari eman bere onarpenerako.

HIRUGARRENA.- Pertsona edo erakunde laguntzaileak hauek izango dira: beren borondatez Elkartearen helburuak betetzen laguntzeko harekin hitzarmen bat egiten dutenak, beti ere Zuzendaritza Batzordearen adostasunez.